

興國縣志

藝文

雜記

冊二十

興國縣志卷之四十四

藝文十

國朝詩

陳沂震

字起宙號狷亭吳江人慶符知縣行取

萬礫龍泓

雲山重疊水分派巖壑彌深路彌隘耕耘跡斷樵牧稀

中有神龍藏狡獪龍行上天水為宅澄潭深窈人不測

祇憑噓吸水爭趨噴薄飛泉落千尺經過墟莽苦迢遙

崎嶇詰屈行三朝却從峻嶺下深澗接踵引臂如猿猱

乍窺奔瀧已心喜漸覺碎鈴聲入耳窅然異境非人間



絕壑崢嶸不容趾褰裳濡足踐危石飛沫跳珠頻濺激  
舉頭峭壁插青冥迸散懸流轟霹靂水歸龍窟便如龍  
蜿蜒夭矯常飛空上盤下折勢不足銀河雪練難形容  
同行年少誇矯捷直上巉巖心不懾憑高對瀑境孺親  
愧我孱軀跡難躡咄哉異境人不知紀載訛謬傳聞疑  
探奇闢險由明宰羈客遭逢豈自期峯巒蔽虧雲物晦  
未晦已訝陽烏墜策杖歌呼度嶺歸只愁潭底驚龍睡

靈山

龍泓歸途興未闕羣山黯黯雲漫漫役夫憂雨勸風駕  
興未決策猶盤桓熟聞靈山亦佳處山下蘭若深且寬  
荀與乘興試一往得雨少住良非難便從別境造山麓  
舍輿徒步踰層巒巒巒星羅復碁布峯形大抵多團團  
鼓鐘龍象列名目比擬彷彿皆祖頑就中一峯踞山腹  
遠望亦與諸峯班溪迴路轉態頻變忽展屏嶂成奇觀  
突兀崢嶸延幾尋丈仰睇直欲青霄干峯腰嵌空生雜樹  
離離屈曲如雕欄復有莊嚴大士像巖中晏坐雙趺盤  
高懸無階誰所置飛來名號留疑端依峯枕巖作佛屋  
窈然塵土寧相關山僧愛山兼愛客聞客解遊添歡顏  
我述龍泓表奇勝僧亦神往生嗟歎更請從容盡餘興  
少留從者窮躋攀

興國縣志 卷四十四 國朝詩 二  
仙女潭

仙女潭在何許乃在層峯絕巘攀援不及之奧區咫尺  
仙蹤尚脩阻靈山山路無坦夷下上巉巖陟榛莽依稀  
欲近還復遠惆悵窮途幾欲返千尋石壁豁懸崖窅渺  
恍惚疑天開想像清風之晨明月之夕蘭香智瓊攜手  
相徘徊或隨王母會或共麻姑回輜輶頻隱現鸞鶴時  
往來只在空山寂寞無遺跡惟有琤琮瀑水彷彿金璫  
玉珮鳴夏擊芳蘭青翠徧屣屣靈草紛披被巖石山中  
禽鳥多異響天際雲煙盡奇色日斜催去尚逡巡恨不  
便作山居人祇憑潭底一泓水滌我胸中十斛塵

邱成和

字昭衡  
寧都人

同諸子遊仙女潭宿靈山寺聽次燈上人彈琴

巖際上溪澗隨飄點客衣怪泉穿石骨崩谷漏山暉共  
坐窺魚樂追攀羨鳥飛武陵真大好此境亦忘歸

再過澗江

仲冬雪後澗江路遊子輕裝去復來楓葉到家連日落  
梅花作客幾時開慣逢蠻婦譏糠覈懶共山都索舊醅  
行道何緣盡相識暗誇明宰玉堂才

陪吳江陳狷亭先生並騎投東邨宿明日步至釣  
臺回舟觀龍灘險處二首

馬蹄蹀躞出寒原暮色催鞭幾處邨明日相迎尋亥市  
吳楚俗取寅申巳亥日集於市故名亥市今墟集是也 隔溪來宿叩晨門詩情又  
 占頻年夢酒力先招此夕魂最愛扶攜皆好友清宵一

榻共陳蕃

蠶叢聞似步猶難笑顧迴驂盡解鞍山骨琢來雲外聳  
 潭心環立日中寒嚴陵是處應埋迹石里於今欲執竿  
 再駕輕舸穿萬疊激江從有使君灘

南華菴

柳根初繫艇晚霧擁山蒼燈火明峯頂江流染蔚藍幽  
 香風外落奇趣月中探那問家園叟南能正可譚

楊

玠字承玉卽墨人贛縣知縣

讀萬磔龍泓記

戶物闕靈奇俗子隘聞見平固萬磔泓惶惑訛言煽張  
 公喜搜剔林壑窮幽變握衣下犖确側身度箬菑異境  
 恍然逢知得山靈眷搖筆恣鐫刻龍伯紛弔唁酈元注  
 水經前奔借後殿昨者歲在寅龜坼及波淀僕亦忝縣  
 尹大懼昊天譴步禱龍滄穴心搖目成眩水簾瀉高岑  
 直下垂匹練橫空高弩飛跳石千珠濺倒射轉瀚騰奮  
 怒成酣戰巖谷晝杳冥肌肉暑寒顛滿耳鳴鉦鏡倏覺  
 天地旋苦無大手筆坐令開生面矐目賞奇文靈窟彷彿

真國縣志 卷四十四 國朝詩 四  
佛見安得假如椽兩山一洗滌

李鳳雛

字紫翔東陽人曲江知縣

讀激水志林奉寄

橫渠先生今鉅儒胸羅萬象工倕鑪文條詰屈枝扶疎  
追躡騷雅轢庾徐入直却厭承明廬要施庖刃型方隅  
政清訟簡人嬉娛用以經術飾簿書退考平固古輿圖  
山川盤鬱雲卷舒秀麗直甲東南都百年文獻半有無  
惜哉邑志全荒蕪非吾徒責其誰歟乃呼毛穎爲前驅  
楮先生與陳佗俱夜深難燭時躊躇抽我秘笈行書厨  
百城部署供補苴搜巖剔壑窮沮洳石鐘鈞鉅愚溪愚  
微如柳子南州居又如海外眉山蘇鯨呿鼈擲奇變攄  
百靈幽怪爭奔輸文章助得江山餘燕公論宦幾歲除  
志成衆體兼先逾水經續注訂謬誣應劭風俗通豈殊  
襄陽耆舊傳不如間擬爾雅箋蟲魚農田水利倣河渠  
軍師租調詳并閭齊諧蠻語亦有諸煑鷗刈薇怪可吁  
或脩殘缺完前謨或闢蠶叢開魚鳧我亦快讀撚戟鬚  
屈宋衙官餘子奴豫章郡邑錯繡區印纍綬若人分符  
張星孤耀文明敷金精木客羣嘯呼平生著書浩江湖  
邑乘新載張華車我來學海披冰壺驚拾萬顆明月珠  
不俯首拜我非夫東軒老樹榮不枯蒸出芝菌敷英腴

使君純孝所感孚文章德行世楷模作詩相贈良非諛

常日字元裳

次和

史家編纂須鴻儒蔡袁邑志攻鞫鑪事湮年遠紀載疎  
黃公第及後行徐况逢氛祲寇井廬干戈日夜防四隅  
安得筆墨爲歡娛致多闕畧羞成書皇皇張公考輿圖  
製錦開荒妙手舒鳴琴政蹟聞通都懷保煦嫗鳩鵠無  
勞心事事闢榛蕪啟衰振敝非公歟公乃諂親載驅  
徵求文獻日與俱訂訛正謬相躊躇琳瑯大啟甲乙厨  
山經水注供補苴胸涵江海兼沮洳燕石無復宋人愚

此邦幸獲公謫居亦如嶺嶠得韓蘇搜巖剔壑竒畢摭  
瑰異珍錯相灌輸蒐羅不使有遺餘惟有蕪穢加芟除  
繩引墨削矩勿逾信今俟後夫豈誣一筆一削史無殊  
班固十志似相如箋疏小不遺禽魚條分縷析如引渠  
披卷宛然見井閭風俗不同信有諸刈薇燒蕙俗可吁  
長歌悼歎存典謨六年作令駐飛鳧上繼剛峯張鐵鬚  
夜以繼日親燭奴不以小邑視區區絃歌果與武城符  
瑞徵芝草見榮敷庭柏爲巢鵲噪呼仁聲洋溢東西湖  
恨不花封一駐車坐我清冰白玉壺學海分照夜光珠  
鏡成逝肯惠夫夫咀嚼精華潤槁枯如厭膏梁得雲腴

願言邁止深感孚遙奉清塵當哲模直據所見言無詖

張探 字紫芝廣昌人 心遠廬集

靈山紀勝

環激多頑峯茲山靈所屬懸崖捲匹練峭石撒珠激奔  
流若雷轟細響恍絲竹我來天氣寒異卉尚芬馥蘭蕙  
白瑞香歷亂綴山曲竒窳穿仄徑芭蕉與方竹空巖石  
氣青恍覩蔽天綠山僧解好事分題競刻燭清晨理遊  
筇云了仙潭局折入數里餘出畏峻嶺觸目眩神已疲  
扶攜轉千寸潭深不易臨取徑入巖腹巖竇十八間間  
間折且蹙距潭近百武嵌空勢轉促手臂相因依蛇行  
而匍伏諸君意興豪蹴踢如平陸老我脚力衰脫視亦  
驚惡淪茗品寒泉卧磴藉芳藪誰以石投潭隱隱雷聲  
扑悵然憺忘歸頽陽淡西麓

林棟 字揚子 晉江人

獅子巖二首

乍開一徑入溪濱相對悠然隔世塵大士巖高雲作伴  
孤僧寺僻鶴為隣心牽水石還容我山隱漁樵遠避人  
檻外烟迷峯路斷歸時恐失武陵津

分明別自有員嶠到處尋幽歸興饒出樹鐘初沉下界  
梯雲人欲上層霄倒懸夕照峯深淺暗鎖秋陰寺寂寥



同是遠公留客地東西林隔一溪遙

林植字立人晉江人

前題二首

深山深處見樓臺日午晴嵐半未開繞寺禽聲如贈答  
插牆峯影似飛來不妨獨領林泉趣况有同遊庾謝才  
一路幽奇吟不盡禪房題破壁間苔

長林薄暮歸途遠又復攀躋看翠屏一線微分巖上路  
半天斜出石邊亭人隨鳥度鐘初動僧待雲歸戶未扃  
回首靈山何處是孤峯烟靄欲無青

楊旃字古度武進人

丙戌六月既望張明府損持招同熊來周池藻園

劉宗衡遊仙女潭次靈山寺從瀧下水泛舟夜

歸

曲江金闈彥作吏儘不俗趣與時流別治行首耕讀公  
餘恣冥搜勝侶隨芳躅沓嶂夾籃輿蒼翠芬簇簇漸入  
仙徑殊蔗境笑捫腹有時瀉石溜泠泠漱鳴玉肘腋清  
風生隆暑忘鬱燠仙潭復何在指點窈空谷磴道紆羊  
腸捫蘿倦匍匐先至仙女潭陰崖靜杳杳靈異此蘊蓄垂瀑  
珠落盤清音類琴筑矯首訝天窄側徑行更踟諸公乃  
軒舉舒嘯往而復濟勝我無具顧視恆瑟縮三山咫尺

間悵望空予于想像烟霞升珊珊環珮觸玉女騰雲車  
往來見閃倏靈山遙相望慈雲自連屬香鑪峯撐青空  
氤氳儼在目傍列鐘鼓峯結撰迥奇突蘭若依層巔碧  
巖際掬我行悲泛梗對此滌氛俗况復座上客一時秀  
蘭菊鬪茗又飛觴心脾沁芬馥名士竹林追良會河朔  
續主人興未慵理棹舍原陸父老跪牽車肴核陳野藪  
壯哉下峽舟駿馬馳鞿東注落千丈強磋磨一線蹙亂  
石攢萬點流沫湧百斛篙師手足掉三絨韻噶瀧下  
下灘相得毋神龍蟠啾譁驚水族有如御風行激湍任  
或勿語

奔逐取樂至險中卽此悟倚伏回首望潺湲蒼茫飛野  
鷺明月逗遙岑清光自穆穆泉石賞無盡登陟趣已足  
茲遊實快意紀勝待更僕好景恐亡逋作詩競巧速使  
君陶謝手同遊盡名宿慚予蚘竅響小巫窘邊幅

熊履廷

字來周  
豐城人

前題

遙出城北門歷落尋幽路此鄉山水佳一一窮其趣太  
史舊風流遊興天特賦招邀盡逸才雙屐幸相附是時  
旭初明炎威猶未布四野望蒼茫郵虛鎖殘霧涉川復  
陟岡草濕衣沾露百折境愈深林壑莽回互大小石巘

屹奇狀時或遇獅立而虎蹲杵懸亦刀仆整冠欲拜之  
熟視轉生怖宥形訝屢變回首卽非故僧居頗有年且  
覺桃源謾勝境解迷人豈關魍魎如咫尺仙女潭聞名  
踴躍赴潭隱萬峯間險徑隨僧度自茲捨筇輿各騁濟  
勝具盤折梯磴危苔滑驚芒屨攀松聊停喘捫蘿始移  
步峻嶒鳥道懸不敢頻下顧層巒出遠空蒼翠見無數  
衆嶺狀嶽嶽宛若兒孫護問潭潭何在恍聞灑甘澍峭  
壁對干尋日光線微吐偈仄勢難通手足幾無措匍匐  
碎蘚痕臨深安所懼仰窺穴透天清泉時倒注珊珊環  
珮響琅琅珠玉雨取以沁詩脾奚啻飲瓊乳陰寒難久  
留靈山遂夙慕丹崖碧巘重亭午寺中駐柑橘列廣除  
濃陰四隣聚香鑪恰當門旁有鐘鼓傳右枕觀音巖巖  
高猱莫度大士巖腹居匪由人工塑寶像云飛來霜雪  
豈能蠹萬仞削孤屏鍊色堅且固石筍插青冥秀絕塵  
不污殿後引登樓巡檐圍竹樹烹茶餉客殷高雅識情  
素蟬鳴方丈幽粘壁讀佳句胸次頓灑然炎蒸變寒沍  
驕陽忽已斜歸舟疾於羽屈曲瀉灘流順馳若輕鷺疊  
嶂起烟嵐漠漠迫薄暮近郭影參差波白升蟾兔探索  
幸未周悵然懷莫訴願假此身閒就中十年住

池漾錦

字濠園  
金谿人

前題

我負山川情未能愜所欲駕言陟靈山驅筇再往復無  
 勝不窮探首造仙潭曲仙潭不易窺匍蛄蟻伸縮仰首  
 見天光潭底受微曛渟渟碧澄澄泉響伴絲竹餘流出  
 前崖淙淙暗渟蓄云有蛟螭潛燃犀不能燭是時天氣  
 清驕陽猶未毒返步陟高岡崖飛千仞瀑取次及靈山  
 峭壁倚天矗甲有大士巖仰睇如金粟寺即當其前豐  
 碑舉首讀前對香鑪峯烟雲時閃倏夕陽忽在山啟行  
 不待夙出谷引同遊迤邐山城宿入夜興倍清涼月生  
 華屋

劉紹權 字宗衡 南昌人

前題

靈山再四遊搜剔匪容易林泉俯仰問往時初有記茲  
 獨殊厥遭實惟太史意籃筍指烟岑炎威夫何熾盈漾  
 草露珠錯落林間翠取道從巖坑盤迴入深遠丹崖列  
 繡屏淨麗容開昔怪哉金蝦蟆幾歲月中墜 一石各老 蛤蹲踞約  
 半石杵斫無隣硯干霄勢 一石高可百丈 俗呼棒槌石 三休凌萬  
 仞遙嶂合位置燦如俎豆陳肅若兒孫侍松濤謾謾鳴  
 悟彼鈞天吹濯我邱壑心仙泉瞥然至洗手掬天漿甘  
 寒沁心胃削成根虛無雙壁勞仰視倏見西山陰羲和

輟其轡惆悵別龍泓爰止鍊舩寺盤餐從我適豈遂無  
 禪味少焉出山南耳目紛有寄父老樂豐年舞柝迎長  
 吏藹藹若家人願公留一醉公謂爾無然予心嘉爾饋  
 翻然下漁艇去看江如駛澎湃殷晴雷奔騰馳上駟真  
 疑老蟄龍鼓鬣從茲逝江名龍下水蒼蒼暮靄浮點點漁燈  
 碎山圍月難上近郭方聞霽半岸轟樓臺掩映金波內  
 停橈入城闔宵籌已更遞茲遊我尤幸所歷前俱未  
 有物外情未必此無媿拜手向山靈所秘祈終惠

遊金斗山

漸拂嵐雲露石稜堆厓拾級逞先登山腰已覺孤城伏

翠頂還看遠樹層隱見澗光裁素練斷連畦影碎春冰

幽尋自是靈岑好曠莽還驚得未曾靈山不如金斗之曠金斗不如靈山

之爽此太史二山評語也

梁奎字聖徵江寧人迴龍巡檢

劉宗衡見示邑長太史公偕友遊靈山之作不揣

輒和

白胡以靈稱此中多奇秘應接尚不暇摹寫豈易易騷

人喜遨遊卽景以詩記余聞神欲往披圖觀大意蒼松

如虬龍未識何年植白雲封石亭濃陰繞晴翠便覺滌

塵襟幽閑樞高致圓峯狀鉢孟乍看凝雙背石筍殊峩

我霜露千年墜縱然不解籀頗有凌雲勢幻作猛虎形  
耽耽自雄視猙獰不噬人留與神僧侍澄泓一空潭碧  
波文藻吹傳說仙女來少長序以次祥雲騰紫烟縷縷  
氤氳至香鑪遺令名洵哉非虛僞玉泉噴驪珠揮灑蛟  
龍字晝夜寫懸巖中有前朝寺右偈插天崖仰之心膽  
悸猿狖絕攀援早暮浮雲寄厓半復有巖大士從中置  
環碧水共山流峙最工緻方竹天削成磊砢畏多刺斲  
之當扶筇翩翩恍若駛洞口芭蕉陰滿地玲瓏碎罅隙  
透月光點點明星暫况復月池清相映長空霽我將疑  
梵天不在方輿內名山閱荒蕪搜剔賴仙吏珠履盡佳  
賓縱橫飛藻思雅歌兼舉觴玉山頽然醉不減昔賢遊  
從此傳勝事自慙非葛彊習池缺隨轡何時結良朋俾  
予素心慰高唱遏雲端學步每多愧挑燈發夜吟鼓掌  
幾忘寐

吳家駢

字雋綺  
吳江人

重觀厓

路窮山愈高四睇怪而赭一步一危級來此絕壁下橫  
羅百罌盆攻鑿非力假緊豈失瓊漿空半挂玉笋腹行  
窺幽宮點滴飛雨灑寂寂水底天悅覩鏡光冶石縫露  
凝蘭谷罅風撼檣劉郎去不還流水空鳴瀉洞口碧桃

花悠悠付誰者內為仙女潭

### 鄒公寨

錢塘昨夜無江湖天目兩乳王氣消虔州孤旅行類禡  
一聲霹靂牙旗焦峯堯數壁行府駐猶在雙江萬山處  
清猿亂啼妖鵬嘯忠魂遙護冬青樹崖山塊肉餐長鯨  
柴市頸血膏青萍西臺雲氣半點黑擊碎如意蒼天驚  
蕭蕭故壘指危巔滿城笳鼓今何年山阿無人晴月白  
荒烟漠漠聞啼鵓

### 宿寶石邨

落日明遙岫投鞭叩竹籬綠蕪三畝芋黃土數間茨門  
倚呼猪婦媵歸叱犢兒平生耽野趣迢遞故園思

譚孔經字玉書  
贛縣人

### 宿靈山寺

仙潭分徑下平田古寺斜依怪石邊峭壁半龕棲佛相  
懸厓百尺濺珠泉虬松偃蓋遮丹嶂玉筍如椽卓碧天  
此夜揮絃兼索韻雞鳴風雨不成眠

### 鍾令公讀書巖

令公遺跡古結伴恣冥搜壁立山疑盡溪通徑轉幽危  
厓憑棧度怪石似舟浮巖有石如舫天半松風細書聲彷彿  
留

國朝詩 三

楊陸榮字采南青浦人

同吳晉綺孝廉次文興橋抵敦邱歸訪對嵩巖晚

至妙明寺留宿

靈山遊甫歸三日前同晉綺遊靈山諸勝幽討今已再肩輿向城北

齷齪闐闐清風忽曠野如洞出深晦坡陀簇馬蹄低

昂越駝背從來賴石橋文與橋石皆赤色洗耳聽清濺濺江源

白茲湍駛亦澎湃高松結輕陰十里雲霏霽繁花爛紅

白左右引雙睇山田稀連脰尺寸判畛畈耕雨一犁

時節插秧屈崇巖突嵌空精鐵兀相對彎環壁四旁窈

窕却窪內奔流瀉石罅百派時一匯羣巒抱獅頭參錯

聯伍隊玉敦古制存狀肖此為最敦邱俗名長運口歸張太史易今名

途及未晚恣意搜幽怪行行入山腹折折得勝槩洞竅

耿窻隙石覆訝釜蓋巖溜玉屑霏四氣偏陰靄奇峯三

十六數與嵩高配嘉名錫對嵩巖向名雙龍名亦太史所易口出義

有在黃昏上白月輕寒薄衣帶佛火指妙明投宿愜夢

寐我來古平固急了山川債日月餞一閒心且遂雙快

惟欠仙潭遊憶昨發深喟前遊靈山諸勝惟仙女潭未至

張參魯號後邨吳江人

寶劍篇

厓石山形勢絕勝信國文公開府時嘗登焉後



人於其地得寶劍疑公故物也

劍氣動有神往往燭牛斗英雄昔寶之摩挲長在手想  
見信國公開府上此阜揮劍令三軍鶩鶴成行走惜哉  
天運移支厦捉衿肘識留更歷五剝極陽當九身騎箕  
尾去劍亦沈埋久碧血詎思化爛斑土花繡一朝出泥  
滓拂拭光如舊白晝魑魅藏中夜蛟龍吼山靈未寂寥  
與劍偕不朽

宋太祖問歷數於陳希夷對曰五更頭凡五歷庚申而宋祚移矣

### 秦娥行

俗傳娥爲楚產得道能生雲布雨來興國止焉  
土人神而祀之碑記載娥侍父自楚來此終身

不嫁以養其父因作此解以當迎送之曲

娥之來兮雲從紛靄靄兮兆歲豐娥之去兮乘雨霖霖  
浩漑兮長我禾黍娥有親兮不忍離親欲嫁娥兮親老  
倚誰娥奉親兮沒齒孝可通神兮宜百世祀望娥不至  
兮娥無我違几席陳兮甘且肥室養黃耆胥服娥教占  
雲而課雨兮羣進而謁娥廟

吳陳琰

字費崖  
錢塘人

### 木客吟

何年木客成阿房自言山中木作糧區區木實便不死  
安用辟穀仙人方狂歌痛飲詩家事偶墮人間恣遊戲

楚人一炬客長存月落壺傾共誰醉

寶劍篇

千尋峭壁何崖萼白雲去來風雨作孤臣隻手提天綱  
土花斑斑蝕劍鏑大節凜凜人中龍燭天劍氣如長虹  
如虹之氣歸何處賸有清光騰碧空

萬松歌

城南古壩江滔滔地形爭指宜崇高海公出宰為民慮  
課民種松松作濤萬松生意今盡矣忠介芳名仍不死  
後來仙吏得張君謾謾清風滿人耳

陳

廷字比之  
海陽人

秦娥行

君不見宋時孝女陳三姊辛苦養親采菱米又不見東  
灣屠家女酷貧採薪績麻供瞽親親死廬墓不肯嫁二  
女名芳百世下興國秦娥來自楚侍父晨昏惟藝芋兒  
如適人父誰養父欲嫁之終不許吁嗟生男勿喜女勿  
悲有時生女勝男兒豈知至性存巾幗奈何舉女棄如  
遺秦娥至孝關世教邑人山頭為立廟與雲興雨凝神  
仙從來神仙出忠孝

楊

侃字百穀  
新淦人

遊金斗山

激江多疊嶂金斗何峒堯招尋愜素心軒蓋共聯鑣飛  
雲倏團結細雨祛煩歆水田畫細陸濃綠滋良苗繫馬  
前邨樹鼓勇攀山椒屈曲盤石磴健步學老樵路危松  
壑杳人語寂無囂仰首藤蘿翠纓帶峭壁腰山僧出巖  
穴躡屐半道邀須臾躋絕巘屋瓦建高標四望極潏潏  
呼吸動層霄坐客多英彥氣比凌雲鵬鄙人泥所見跼  
踖笑鷓鷯胸中有塊壘頻借酒杯澆醉探虛禪巖空洞  
涵參寥悠然山水心發興豈憚遙

李

杜字次說  
邑人

前題

拾級層峯上鄉城一望分泉添秋過雨巖宿夜歸雲烟  
火冥濛辯溪聲隱約聞飄然人境外不復染塵氛

厓石砦

稜稜精鐵削羣峯森簇青冥似列墉石骨當秋空翠薄  
山腰欲雨密雲封周遭故壘遺憑弔黯淡殘陽憶折衝  
堪笑亡猿窮枝口血腥幾污玉芙蓉

黃文澍

字雨田  
信豐人

同蕭綱山譚玉書遊東龕

蒼崖忽破曙光開澗底人行繞綠苔樵語隱聞天上出  
白雲時見足邊來劔分萬仞非頑鐵鬣起千年吼迅雷

相對徘徊已薄暮霜林落日照荒臺

會 倪字學鉏 寧都人

天花寺

月色平於岸風寒欲下霜烟含青嶂白楓歷綠溪黃繫  
艇尋幽處敲門到上方參天垂古柏歷遍幾滄桑

陪狷亭陳先生遊瀧石釣臺二首

寒凝白露印汀沙出嶺松梢掛日斜上下瀧名留翰墨

張太史作瀧石記高低路仄擘烟霞峯腰百疊排霜劍石齒千

層走浪花却喜追隨同歷覽巉巖指點似三巴 陳會作令蜀中

捫蘿曲折可循行負壁危橋手獨撐瀧下安瀾橫白石

高擁翠作青城 邱昭衡以一竿直視乾坤小幾縷

晴雲霧生太史搜奇傳不朽千年復有釣臺名

北斗菴

楓林霜樹插天根曲徑寒塘漾水痕斜傍松杉安石磴  
更攀蘿薜到山門荒邨日落牛羊下古寺雲深鳥雀喧  
何日身倚天北極參辰環立繞薇垣

由三僚荷亭達平固途中口占

執手荷亭曉色寒籃輿整頓惜囊罄盤迴迥出高低路  
俯仰頻瞻遠近山萬壑雲埋溪水綠千邨霜壓樹林斑  
行來赤坎 地名 地方平坦衰草淒淒落照間

蕭師諤字恂眉會昌人

同黃雨田譚玉書遊東龕令公巖二首

嶽崎石骨喜窮搜為訪遺蹤結伴遊溪水九迴山忽斷  
板橋百步徑通幽鳥窺碧洞雲初放珠落銀河雪欲浮  
谷口樵青閑指點振衣清歎暫淹留

令公巖迹未曾湮况有文章託後塵鉛鉚到今人是柳

桃源一去地非秦石緣瘦削凋青髮水自漣漪濯錦鱗

南康記令公放鯉魚於溪載以金圈其後魚背皆有金圈痕不盡徘徊今古意半山

斜日照遊人

謝芳字蕙草邑人

重陽後登羊山

每懷羊嶺最高峯此日登臨一望空天外白雲時出岫

路旁黃菊自成叢方山疊嶂遙連北澗水頽流只向東

木落荒邨人影斷數家茆屋倚山楓

遊令公巖二首

閑中尋勝事相過嶺之隈有景僻須往探奇倦亦來廢

橋存舊址古木削層苔綠水柴門繞人歸月滿臺

古人今已遠遞隱此巖隈一自朝天去何曾化鶴來問

年山不語覓寺磴封苔待振秋風翻凌空直上臺

謝廷煥字廣三邑人

對嵩巖

羣峯三十六排戟峙遙天巧自巨靈劈名因太史傳青  
蓮開島外翠影落巖前何異登封望嵩陽埤堦懸

王紹曾

字二廉  
邑人

礫下山

數里迴峯勢蜿蜒山僧結屋入雲烟檐牙錯落相聯綿  
曲徑蒼松翠篠穿足音空谷聞蕩然猿猱狎客尾連顛  
山半有池清且漣芙蓉倒影碧嬋娟旁掛奔崖百尺泉  
撒珠下注聲潺潺相傳神物潛其淵能作霖雨澤山田  
我來茲山歷有年瘦藤無勝不流連每逢石丈必周旋  
呼取衣冠禮拜虔或命枯桐寫七絃神怡如讀逍遙篇  
置身恍在終南巔安得居士李龍眠繪茲圖入草堂懸  
萬壑千峯几案前不用夸娥二子遷盪胸雲氣落栢椽

廖應梓

字恭士  
邑人

鄒公寨

危巒百折負孱顏磊石為門揜仰關天意布新移宋祚  
軍心矢死輔文山斜陽不返揮戈照故壘消殘戰血殷  
四百餘年知者少何人弔古共躋攀

龔

黃

字漢牧  
潛山人

山陽礫

百丈山陽磔人家半嶺浮路從溪口下水自石腰流沙  
撒邨燈亂香來草木稠宛然斬楚意削竹覆山樓

程水作

江干柳眼綠新抽江步名因待父留今古人傳程水渡  
飄零身倚木蘭舟一經已入春風坐千里遙同立雪遊  
鴈後花前頻悵望楚山何處是登樓

木客吟

秦宮天下膏楚火咸陽赤代聞建宮時徵求殫民力伐  
木蜀山中青燐白骨積父老爲余言時有採木客年年  
上洛山木實延朝夕秦政恣暴殘賢者遭其厄避地多  
隱流詭跡不可覈桃源非人間圯上有黃石

天子今聖明四方寬徵額傳語深山人可以出無役

周一煌

字且職  
新城人

前題

客兮客兮何所着姓氏無傳以木託名材採盡蜀山童  
五步一樓十步閣秦宮灰燼客不灰歷漢而唐客上洛  
松陰高枕石頭眠饔飧俱取松腴嚼偶來沽酒到人間  
斜倚黃爐和月酌酒清月白賦新詩詩成酒盡還巖壑  
我將攜酒入其山傾壺弄月應如昨

鍾冬模

字季木  
邑人

寶劍篇

有宋三百年天下孤餘崖石開府者縱橫欲酬三尺劍  
 劍去匣空無可把神物不隨興亡盡熊熊紫氣燭荒野  
 願斬白帝歸漢王中興道消傷諸夏後人拾得泥土中  
 拂拭新疑鑄歐冶猶是文山一片心屈折肯任悠悠假  
 持向風塵求烈士不遇英雄賞識寡

東龕巖鍾令公讀書處

令公去後苔封逕長有山靈護舊軒月作青燈懸石室  
 松爲翠幕偃雲根綠崖花色霞光碎轟壁泉聲雨勢翻  
 幽邃恍疑探禹穴當年秘籍幾函存

劉應彩

字羽三  
邑人

洗藥池

吐飯成蜂事亦奇不知仙跡隱於斯綵雲已散燒丹竈  
 碧甃空傳洗藥池涓滴寒泉無復在清冷風珮更何之  
 長生難近荒唐論却疾延年似可師

吳之章

字松若  
長寧人

禊飲江東古祠

碧檻垂楊睡起三踏青士女遍城南條風細拂輕衫暖  
 靈雨初零淑景酣滿眼鶯花春欲暮頻年客路我何堪  
 歸聞折簡流觴召惆悵東軒翦燭談



蕭相經

字緒士  
贛縣人

治平墟集

治平觀舊爲曠野張公至惠民恤商甲申冬其地鬱然成市交易輻輳祥莫大於人和是可紀也

吾聞治平之觀久廢墟由來政寬民力舒苛政不察刀錐末如輻輳轂爭來趨而今鬱然成市市無虛厥功令君唯唯否否不自居庶幾年豐人和大書還特書敢告後來視今猶昔夫何如

瀧上石元

瀧上水灘石突兀濺江舟道至此而止洪武中  
中尉謝世安鑿之以自便運穀民謠曰瀧上石  
兀興國貴發癸未甲申以來石忽隆起如舊

異哉瀧之石扼濺水濺水激石聲沸沸天生突兀踞中  
流多事鑿伐謝中尉百年砥石復神工嘖嘖民謠徵發  
貴

吳

權 字超士  
吳江人

治平墟集

東海有栽桑未足相驚詫試看澱江側在昔成大野流  
傳治平觀遺址無飄瓦天遣賢侯臨四郊流雅化通商

與惠工襁負來遠者攘攘趨墟人晨集不遑夜頂碎雜  
擔荷興作就陶冶孰知榛莽區遂結雞豚社宣力由茂  
宰卓魯此其亞所以重循良一邑知天下

瀧上石兀

石下瀧迴波瀾潏潏聲淙淙瀧上石奇峯崩男高岌岌水  
石相激成文章興國之邑多秀良何年石鑿水奔放坐  
令邑中氣凋喪民心悲以思輿謠懸記石兀期石兀貴  
行發人文鼎盛會有時水神日日激江涘忽聞戶戶絃  
歌美知是邑侯政始成操鞭石石爲起侯從鳳皇池  
畔來手持玉尺衡羣材他年還去巢阿閣留此片石無

敢鑿

仙潭紫芝

若有人兮在仙潭被霓裳兮御風驂採芝兮滿把將以  
詒兮賢者願澱江兮春水滋草綠縹兮風偃之亦旣飲  
此澱江之水兮可無茹我仙潭之芝福汝兮佑汝雙鳧  
翔兮雲中舉睨皓首之黃綺兮老空山其何補

庭柏鵲巢

猛獸解渡河定知非偶然童兒狎野鳥相遇者其天物  
性自可通每出機詐先仁風一鼓盪煦樞司化權沈沈  
邑宰居峨峨宰門前瓦門外柏有鵲巢其巔哺子弄

毛衣嘖嘖聲相憐不避呵殿嚴不畏人吏喧下視訟庭  
中決罰蒲為鞭蒲鞭或不施時向樹底懸始信鸞鳳德  
百千勝鷹鷂作詩歌道周採風其聽焉

裴吉光

字羽若新建人興國教諭

治平墟集

數年負郭住千家勝種河陽滿縣花舊日藥池丹井畔  
只今處處酒帘斜

魯

京

新城人

瀧上石兀

東海鞭山事有無金華叱石競奔趨人間陵谷尋常事

還得神君合浦珠

蕭承烈

字衣聞邑人安福訓導

前題

瀧灘滾滾浪花蹙怪石蟠江大如屋三春漲激老蛟鳴  
佑舶聞聲膽殼鯨昔年中尉患峻嶒攻鑿犬牙如平陸  
民謠適足驗前徵中流砥柱隆然復河伯有知地效靈  
人文爭共雲根矗

謝大昂

字少文邑人

庭柏鵲巢

莫謂公庭寂靈禽日夕親郊應無破卵巢故近依人羽

族徵奇瑞林棲格至仁中牟何足異野雉信能馴

呂世璠

字繡佩  
邑人

官舍黃芝

鬱勃桑陰下靈根託不羣菁葱盤羽蓋洞徹出卿雲  
燦涵金色絲絲綻錦紋神芝真可似截柱獻

明君

鍾谷蘭

邑人

靈山

載酒尋山寺陰森萬壑寒嵐痕迷洞谷翠色上衣冠  
古道緣苔滑秋林落葉乾數峯烟帶雨知是霧中看

王學濂

字蓮友  
邑人

偕友遊靈山寺

古寺巍然絕壁隈同人連屐踏蒼苔層層花影泉流出  
嫋嫋琴聲竹送來玉筍峯頭雲化鶴白蓮池畔月生臺  
山靈未許全探勝留下清幽惹客迴

陳應春

字卉芳  
邑人

秋日偕友遊靈山寺

結伴靈山寺同登石徑紆蟬聲鳴斷續雲影畫模糊  
木落千崖寂峯高一筍孤支筇吟望久薄暮索歸途

蕭承燾

字鹿傳  
邑人

遊金斗山

暇日遊金斗巉巖絕壁深險從平地上鳥自半山吟怪  
石迎人立香蹤藉草尋行行歸路暝猶聽梵鐘音

姚孔鏗

字巢桐桐城人  
贛州知府

題呂氏可園

勞勞从不夢林泉到此誰知別有天門掩半潭秋水月  
牕開四面曉山煙興懷前哲看題句早得投簪便是仙  
竹裏龍孫松下鶴亭亭更愛列風前

謝天翼

字鵬飛清江人  
興國訓導

前題

帶郭依岡瞰碧沙朝攀清旭暮棲霞好栽彭澤門前柳  
移種河陽縣裏花沼面遊鱗隨意樂樓頭山鳥送聲譁  
天光雲影常相護信是東萊文獻家

孔衍倬

字雪帆  
錢塘人

烈婦詞

曹氏之死湮沒不傳因與修邑乘里人爲說軼  
事如繪其生旣採入志復作短句哀之

漸漸之激水巉巖之厓石水流石可移寸心終不易  
二十成婦道上堂拜姑嫜旨酒與甘脆夫子時徬徨  
徬徨終夜泣苦我春無宿終夜泣何如歲又穀不熟

興國縣志 卷四 國朝詩  
夫子何自苦妾命多不辰剜肉可療饑此身難事人  
巧炊不可恃嗟來甘餓死之死誓靡他激烈垂青史  
死者不可作生者期無媿古來節烈人胡知女史事

牛天昇

字罄宜太谷人  
興國營都司

奉周濂溪夫子木主入祀潞江書院二首

首推道學日懸中妙蘊山來太極崇一貫心傳宗孔子  
兩儀性理達西東愛蓮池畔甘棠永折桂峯頭芹藻同  
喜得典型猶未墜願言私淑道相通

年來五百道相知猶憶當年講學時博野春遊前蹟古  
濂溪歲祀後人師高山斗仰堪爲記霽月光昭可入詩

愧我風塵隣俗弃孔顏樂處未尋思

孔興浙

字道南錢塘  
人興國知縣

前題

哲人應運日天中濂洛師承合並崇樂事未忘趨硯北  
精心直與障川東千秋絕業從今振一綫薪傳此日同  
爲語升堂諸髦士吟風立雪自相通

曾將庭訓啟新知想見瑩瑩月霽時餘韻至今爲善國  
瓣香自昔得人師徵公詣力當聞道愧我疎慵不學詩  
倘許政閒頻討論綠牕庭草繫相思

一門三節詩爲賴朱氏鄧氏劉氏作

郝鍾家法說三長森森江流人未亡松竹梅消寒歲月  
冰霜雪沁冷心腸蛩鳴午夜無端咽鴈叫秋汀各自創  
寄語三春暉莫報一門荼苦為誰忙

澱江舟中留別四首

青青河上柳絲新縮我行舟上已春執手同袍莫惆悵  
月明千里故相親同官

曉風江上傲輕裝一葉扁舟繫綠楊遮莫旗亭難話別  
鶯啼不住水蒼茫紳士

春風忽忽動離情書幌春寒夜雨生記取曩宵親假館

隔牆遙聽讀書聲書院

蒙養須端作聖功幼儀嫻習學餘攻牽衣此日多情泪

只媿商量句讀中小學

孔興源字本魯 錢塘人

留贈鍾鑑塘

灑落春風景昔賢菁莪嘉植秀平川珠聯蕊榜欽同譜  
劍合花封識舊緣馬帳師承多士化鯉庭指畫一經傳  
更需史筆鐫梨棗同纂 澱志腹笥由來軼孝先

鍾音傳字瑤聯 邑人

送柯邵菴師歸潯

彈丸秉鐸十年周解綬懸車素願酬明月照人留古道

春風坐我豁塵眸江州松菊堪娛老潑水山川尚紀遊  
此日琳瑯收拾去秋來葭露不禁愁

鍾秀源字受滋  
邑人

花橋巖二首

橋橫碧澗水潺湲緩步斜亭石徑攀無限白雲連翠壁  
洞門深鎖不須關

鑿壁穿雲路欲迷盤迴落落染山暉孤村寂寞人行少  
一樹寒松接翠微

送孔邑侯調任靖安

遺愛堪銘治譜淳風存潑水問南津書堂新奠元公席

改祀  
前漢木主前漢長留後學珍條示學規  
書鐫四箴墨綬花軒香拂

楊冰壺玉署月留賓非憐此別棠陰濕李白桃紅亦戀

春謂肄業  
諸生

鍾自持字履謙  
邑人

秋日遊對嵩巖二首

古壁青蒼翠欲流虛巖如壑可若舟夕陽霧靄矇矓裏  
三十六峯面面秋

歷歷嵩陽在眼前山靈深得史公憐蟬聲蕭瑟西風起  
吹斷幽巖一線煙

張文凱字奏平雋  
都舉人



東華寺

老屋三間入翠微支筇偶一叩禪扉勞生借得蒲團坐  
聊向空門暫息機

岡巒重疊翠煙環猿鶴無聲風日閒世界如來稱極樂  
誰知此境在人間

趙州茶罷日輪低獨下寒煙路欲迷回首看山山不見  
鐘聲遙在白雲西

項

勲字懋堂彭澤人興國教諭

澱江留別二首

三程遺澤尚依然坐擁寒氈十五年薄宦已經千里外

論方常愛一樽前奇探澱水清暉迥秀挹靈山爽氣鮮

敢說扶輪歸大雅高風猶幸仰先賢

深心一片每拳拳訓士難忘砥行先惟願受裁完白璧

更期妙選重青錢新詩惠我情逾摯舊雨懷人思又牽

話別江城無盡意好脩頰望嗣音傳

伍彭年

號遐齋香山人興國知縣

初抵澱江

客路梅花次第催行行遙指白雲堆地多瘠土風宜樸

道鮮游民俗豈頽無水不從雙派合有村皆倚萬山開

一官始任專城責美錦深虞未易裁

望覆笥山

天半亘雲梯迢迢不可躋翠環千嶺秀雄歷萬峯低碧嶂盤孤鶴飛泉飲斷霓何當探玉牒掃石一留題

訪東龕巖

在昔談遺烈爭傳佐命臣於今探勝蹟猶憶讀書人墨氣浮青靄文瀾漾錦鱗周遭環十景一一舊精神

釋普誠

號自淳邑  
迎仙菴僧

靈山

偏覺攀躋興益饒孱顏怪石轟層霄路穿一線蠶叢密寺隱千峯翠浪搖響谷泉聲清客話入林天籟絕塵囂

窮幽更到雲深處且拄吟筇俯泐寥

釋實選

號次燈瑞金  
人靈山僧

仙女潭獲紫芝二本獻張明府

靈草何年植繽紛在水涯色分紫府玉莖綴赤城霞敢比祥符獻聊從綺季誇使君傳博物鄴架更抽牙

興國縣志卷之四十五

藝文 十一

書目

按興邑自先之先生而下著述不爲不富所可考者特吉光片羽而已備錄於此冀後人或能搜羅之者前令如黃公泗海公瑞張公尙瑗及新淦之楊侃寧都之曾倪其詩文之專係興邑者皆仍舊志編入書目仿旄邱泉水之同入邶風也邑乘原委亦書目之類故並存之均附於藝文之末

李朴章貢集二十卷

宋史藝文志李朴集二十卷文獻通考章貢集二十卷秘書監李朴先之誤一統志江西興國李朴有章貢集二十卷今集不傳贛州府志載詩三首村塾千家詩本載詩一首康熙己丑南安守陳奕禧輯玉巖遺錄又得詩四首并錄於此 天竺崎嶇絕海邊何人分作贛江禪鷺山巧壘三峯石葛塢深疏雨派泉一醉風光能幾許十年塵跡尚依然欲題豹隱還相笑望斷長空簇暝煙天竺山 雲根秀出碧芙蓉煙晃霞飛瑞藹中地脈九枝龍奮螭天河一派練橫空曉 山 踏盡層巒上小亭日華初泛曉煙清塵埃不到

門常靜身世相忘性自靈馬祖

皓魄當空曉鏡升

雲間仙籟寂無聲平分秋色一輪滿長伴雲衢千里明狡兔定從茲外落妖蟆休向眼前生靈槎擬約同攜手更待銀河到底清中秋 金戈百戰古虔州滾滾

雙江日夜流杯酒登臺同極目夕陽漁唱起沙鷗八境

臺 春煙澄霽色杖策出郊坰壘嶂浮空翠孤雲菴

斷青燕啣泥作壘僧結草為亭萬樹山風裏鐘聲下

界聽遊通天巖 天書遠下事微求鄉里同推馬少游世

事已非三不可年華却是一宜休豈緣薄祿貽身累

只為當時分正憂筇杖芒鞋留我伴佇聞談笑即封

侯 擲餌求魚計亦難長鯨搖曳海波寬狂風有待  
 三秋起健翮須教萬里搏直以逸民朝聖主不隨計  
 吏上春官庖刀休用援尸祝巾笥寧封貢禹冠次韻  
 應 阿閣曾看紫鳳棲暮年江國擁旌麾孤雲南北  
 本無定浮世悲歡那可期鶴頂丹砂埋藥竈鴨頭綠  
 水浸春陂待公踏遍紅塵地景物歸來似舊時 秋  
 風燕雀正關關忽見籬邊菊又斑寒鴈自知霜露重  
 海鷗長伴水雲閒百年往事丹心裏千古聲名直道  
 間此意屬公須慷慨晚雲成雨便歸山憶玉巖

李存詩集四卷

贛州府志李存詩四卷

李謙文集四十卷

贛州府志李謙白雲居士集四十卷縣志同

蕭行可國學錄

蔡志行可官豫章宮校嘗輯國學錄一書

呂復采史目錄

宋濂金華集有送呂仲善使北平采史序及呂氏采

史目錄序俱見前三十九卷

北遊集

金陵藁

二集見袁志袁志仕宦傳中載自題其真詩一首贛州府志載聞柝絕句一首今錄於此 昔年采史過燕山偶把丹青寫壯顏冠帶初更新典禮儀刑應勝舊朝班駿奔郊祀嚴齋敬使謁皇陵奉祭還白雪滿頭嗟老矣龍鱗無復得重攀題 翠玉樓前聞擊柝離情應向此中分遙知孤枕金陵夜還憶今宵月下

聞章貢聞柝

禮樂圖

贛州府志載

茅亭分韻詩一卷

陳謨海桑集有茅亭分韻詩序見前三十九卷

羅斗明詩文集

劉啟東文集

海桑集有劉啟東文序見前三十九卷

李梅所詩集

海桑集有李梅所詩序見前三十九卷

王敬翁文集

王恭號敬翁文集若干卷陳海桑序見北隅王氏族譜

譜

鍾廷芳一家機軸

治世雅音

贛州府志廷芳手輯先世遺文名一家機軸採錄名公詩詠名治世雅音

李迪草菴集十二卷

擊壤會詩一卷

劉鴻七星集有擊壤會記見前三十九卷蔡志載一十二人姓名今錄於此

胡克訓

誨菴南隅人

劉雅清

潔菴西隅人

呂仁發

直方東隅人

蕭悅瓚

正菴東隅人

鍾韶鐸

和軒東隅人

陳子顯

隱軒南隅人

呂仁徽

春谷東隅人

蕭崇廣

擴齋西隅人

李彥睿

晴窓西隅人

呂興大

秋潭南隅人

蕭悅

貧樂東隅人

劉恭徽

敬齋南隅人

胡克詳

博菴南隅人

王秉倫

敘菴東隅人

蕭雲端

釋齋西隅人

王成景

時菴西隅人

羅守正

直菴北隅人

鍾韶鏗

成菴東隅人

李春昱

復亨南隅人

李春雷

省菴南隅人

蔡彥獻

瑩菴西隅人

謝郁魁

梅軒西隅人

仁壽會詩一卷

蔡志正德間人凡二十人

王文質

羅守嶽

劉大欽

謝玉珍

歐陽謠

歐陽諫

蕭悅箎

李時邦

李時都

李容質

王實貴

呂紹武

呂紹正

李金亮

鍾曉暘

呂紹翊

呂紹經

呂資業

胡廷用

江廷振

鍾瓘蛩秋漫稿

鍾觀游菴集

梅花詩一卷

黃泗靈山唱和詩一卷

海瑞治興遺文一卷

謝魁南雍語錄

李曰銑願源野錄

劉愼中易經講語定本

呂公量尙書彙叅十二卷

王鼎相雪園詩稿

易經集解

史斷

劉天真河洛先後天圖說二卷

易經輯說十卷

王思軾澱江雜詠

張尙瑗覆笥山館集二卷

謝芳述山堂詩一卷

楊侃澱江草



會倪澱江詩草

王紹會武溪別墅草

以上俱載志林

王思軾大雅堂集二十卷

謝芳江上吟草二卷

呂大夏可園集四卷

鍾夢麟便則集二卷

謝廷煥一樹軒集南北遊草

王日孜不媿堂詩集

鍾名模洛山草堂詩

鍾秀源一鑑堂詩文集六卷

鍾谷蘭寒塘詩集

鍾丕顯敬齋錄

蕭承燾拙齋詩集

謝大詩濯香亭自娛集二卷

以上俱載孔志

曾文迪八分歌

廖瑀懷玉經

廖紹定地理指迷

廖紹寵陽宅簡要書

與國縣志 卷四十五 書目  
以上俱堪輿著述載志林

僧次燈漱石詩

僧白淳山居詩

以上俱僧詩載孔志

邑乘原委

附

袁天騏與國縣志

張尚瑗曰康熙己丑冬得之下堡三陽礮歐陽天球家一二三三卷皆失止存四五二卷卷首載儒學教諭東莞袁天騏國子學正邑人鍾觀同輯因名袁志髣髴世次在成化末正章廷圭蒞邑之時所載之文

如重修廟學江東廟適綵堂諸記皆章侯之事是書或卽爲章志未可知而簡端遺佚難爲臆測從其可徵者而已篇中九亭三館十八墟陂堰等名皆云見宋志則宋世固有志矣無確據不敢列目

章廷圭與國縣志

成化中輯

曾選與國縣志

宏治中輯

盧寧與國縣志

嘉靖中盧寧與泰和曾乾同纂輯凡十三卷安成鄒

守益序

按章志會志廬志三書名見蔡志凡例中贛郡謝志云成化十七年教諭袁天騏撰修邑志是袁志卽章志可無疑也北隅王氏族譜有吉水劉勉之勤序云正德丁卯春興國大尹曾公選禮予纂修邑志是曾志修於正德二年志林以爲宏治中輯孔志改作宏治八年輯者皆誤也贛郡謝志秩官表載隆慶間知縣廬晉修志又王朝綱傳云事載邑隆慶庚午志然則邑有兩廬志蔡侯祇見其一歟初守於嘉靖丁未下車晉於隆慶庚午修志庚午距丁未纔二十四年前廬侯纂輯之書後廬侯乃增訂付梓歟其書不存難以臆測今止存嘉靖中廬志之名隆慶間廬志不致列目

蔡鍾有興國縣志

萬歷四十八年署教諭舉人筠陽黃灝舉人寧都蘇應璧同輯邑人宣平知縣王洞重校廩生李愈萃方大成李田王瑞蕭增編次諭德豐城邱士毅嶺北道麻城梅國樓序分輿地規制賦役學校典禮保卹防圍物產祥異覽勝官師人物徵文凡十三志七卷

按蔡志刻板燬於康熙戊子張損持太史得殘本於

邑明經劉元燦闕規制徵文二類至乾隆庚午重修縣志邑明經鍾秀源所藏之本乃獨完善今得文溪謝氏鈔本闕物產祥異覽勝徵文四類

黃惟桂興國縣志

康熙二十二年教諭南昌楊旭齡訓導撫州盛式度邑人貢生王鼎相劉天貢同輯廩生劉元燦謝芳編次惟桂自序大畧仍蔡志舊本刪學校保卹物產祥異覽勝加祠祀名宦選舉紀事為十二志凡十二卷

張尚瑗激水志林

康熙五十年尚瑗輯激水志林以志地志人志政志事志言為綱志地之目四曰道里考曰水道考曰灘曰陂堰志人之目十八官師為一卷名臣文學武畧為一卷寓賢忠節行義孝子義民耆民為一卷科目仕籍勲爵戚屬內侍為一卷仙釋方技列女為一卷志政之目六曰田糧曰倉穀曰鹽法曰兵防曰保甲曰文移志事之目五曰兵寇曰祥異曰遺聞曰近錄曰訂譌志言之目三曰書目曰文曰詩邑人內閣學士王思軾南豐布衣湯永誠為之序凡二十六卷

孔興浙興國縣志

乾隆十五年布衣錢塘孔衍倬訓導蕭水謝天翼邑

人副貢生鍾秀源同輯生員鍾肖侃廩生鍾自持蕭楷生員呂光斗分修仍志林以志地志人志政志事志言爲綱志林之子目三十六此分爲六十七凡二十六卷

興國縣志卷之四十六

雜記

上洛山有木客形似人語亦似人遙見分明近則藏隱自言秦時造阿房宮採木者食木實得不死能砍杉枋與人交市易人刀斧交關者置物枋下却走避之木客尋來取物下枋與人隨物多少甚信直不欺有死者亦哭泣殯葬嘗有山人行遇其葬日出酒食啖人山有石

墨河書

十道四番志

山都形似崑崙奴通身生毛見人輒閉目張口如笑好在深澗中翻石覓鱓噉之嘗就民間飲酒賦詩云酒盡

君莫沽壺傾我當發城市多囂塵還山弄明月

鄧德明南康記

夔爲一足之怪家語所謂山之怪夔罔兩王肅云夔罔

兩似夔而非夔也夔亦一足罔兩字一作魍魎唐小說

有一足叟自稱太上隱者作詩云云東坡詩云山木

客解吟詩卽此

楊升菴集

元嘉中南康平固人黃苗爲州吏受假違期行經宮亭

湖入廟願希免罰坐又欲還家若並遂當上猪酒苗至

州皆得如志還遂不過廟行至都界與同侶並泊中夜

船忽自下其疾如風夜四更至宮亭始醒悟有烏衣三

人持繩收縛苗詣廟階下見神年可四十披錦袍梁下

懸一珠如彈丸光輝照座一人白平固黃苗上願猪酒

遂回家教錄今到命謫三年取三十人遣吏送苗山林

中鎖腰繫樹口以生肉食之忽忽憂思但覺寒熱舉體

生斑毛爪牙性欲搏噬吏解鎖放之隨其行止三年凡

得二十九人次應取新塗一女而此女士族初不出外

後值與姊妹從後門出詣親家因取之涉五年人數乃

充神教放遣以鹽飯飲之體毛稍落鬚髮悉出爪牙墮

生新者經十五日還如人形意慮復常送出大路縣令

呼苗具疏事覆前後所取人遍問其家並符合焉後八

年得時疾死

述異記

虔州平固人訪其親因留宿夜分聞寢室中有人語聲徐起聽之乃羣鴛語曰明旦主人將殺我幸善視諸兒

既明客辭去主人曰有鴛甚肥將以食子客具告之主  
人於是止殺自後舉家不復食鴛  
精神錄

鍾紹京為中書令薛稷諷使讓因入言於帝曰臣本胥

史素無才望今特以勲進師長百僚恐非朝廷其瞻之

美帝然之遂許紹京改戶部尚書  
新唐書 薛稷傳

大王草書字直一百五字乃敵一行行書三行行書敵

一行真正偏帖則爾至如樂毅黃庭太師箴畫贊累表

告誓但得成篇即為國寶不可計以字數或千或萬惟

鑒別之精粗也他皆倣此近日有鍾尚書紹京亦為好

事不惜大費破產求書計用數百萬錢惟市得右軍行

書五紙不能致真書一字崔張之跡固乃寂寥矣惟天

府之內僅有存焉  
唐張懷瓘書估

襄州遍學寺禪院碑黃門侍郎修國史韋承慶撰太子

少詹事鍾紹京書開元二年立紹京景龍中以苑總監

從討韋氏有功性嗜書家藏王羲之獻之褚遂良書至

數十百卷以善書直鳳閣武后時榜諸宮殿明堂及銘

九鼎皆紹京書也其字畫妍媚道勁有法誠少與為比

然今所見特此碑尚完尤為可愛玩也遍學寺於宇文

周為常樂寺於今為開元寺南豐類稿金石錄跋

黃素黃庭經一卷是六朝人書絹完並無唐人氣格縫

有書印字是曾人鍾紹京家黃素縝密上下是烏絲織

成欄其間用朱墨界行卷末跋台仙二字有陳氏圖書

字印及錢氏忠孝之家印陶穀跋云山陰道士劉君以

羣鴛獻右軍乞書黃庭經此是也予跋云書印字唐越

國公鍾紹京印也米芾書史

唐越國公鍾紹京書千字文筆勢圓勁在丞相恭公孫

陳弁處今為宗室令穰所購諸貴人皆題作智永予驗

出唐諱闕筆及以遍學寺碑對之更無少異大年於是

畫翦法詩入跋予始跋之上

劉御史燾云寶章集題者小字乃鍾紹京書予云紹京

碑今有存者蓋師薛稷也東觀餘論宋黃伯思與劉無言論書

鍾越國公為太傅十世孫號小鍾家藏二王真蹟數十

百卷是為吾豫章書家之宗越公與國人距予家不百

里予搜求一字不可得萬歷丙午董太史思白贈予戲

鴻堂帖有越國楷書爾時世尊遊舍衛城帖一百七十

五字又有唐揚越公書維摩經六十字實得右軍筆法

乃知小鍾之名良不虛傳郭子章題戲鴻堂越公楷書鍾令公紹京楷書五帝靈飛六甲經一卷字畫道美清



潤妙得鍾王楷法非後人所及至今歷世寶玩之尹直題鍾

紹京墨蹟

唐襄州遍學寺禪院碑開元二年鍾紹京書在襄陽府

治于奕正天  
下金石志

唐靜禪方攢碑鍾紹京書在西安府同

唐臨池禪院四大字鍾紹京書在贛州府同

唐鍾紹京洗硯池在贛縣舊學宮內即泮池也贛郡謝志

漳浦梁山有大峯十二唐鍾紹京作懷恩尉時增二十

四合三十六吳偉明詩梁山重回首翠峯三十六是也

諸志皆稱大峯十二紹京改為二十四漳浦縣志誤

鍾紹京開元初謫懷恩尉懷恩開元間置後省入漳浦

故無知之者紹京在懷恩事蹟無考前志稱梁山古有

十二峯紹京增其名為二十四又中峯巖舊有紹京詩

今亡當亦放廢間盤桓巖壑者乎同上

李君行先生之學專以經書論語孟子為正舍此皆不

取如七世之廟可以觀德則專守七廟其他言廟數不

同者皆無取也昊天有成命郊祀天地也則是合祭天

地無疑也其言南北郊其言園邱郊禘異禮皆不取也

其學簡而易明以行己為本不為空言東萊公與叔父

舜從皆與之游呂氏童蒙訓

李君行先生說武王數紂之罪曰郊社不修宗廟不享  
歷觀諸書皆以郊對社蓋郊者所以祭天社者所以祭  
地也南郊北郊五帝之類皆出於周禮聖人書中不見  
也嚴父配天之禮蓋始自周公若自古有之則孔子何  
得言則周公其人也列爵爲五分土爲三蓋至周始定  
若夏商以前俱如此則書爲妄也同上

李君行先生說他每日常多只讀易書詩春秋孝經開  
讀孟子又言史書尚可最是莊老讀時大段害道同上

東萊公嘗言凡衆人口夕所說之話如趙丈仲張諸公  
都無此話也衆人所作之事如楊公應之李公君行諸

公都不做衆人做底事也同上

李君行先生之長子格篤行博學克肖其父而長於四  
六表章早歲登科紹聖中知江寧府上元縣滎陽公知  
太平州李以啟事賀公其畧有云蘊命世之雄才賦經  
邦之遠器令問令望起韋平舊相之家嘉謀嘉猷翊舜  
禹重熙之代危誠獨立直己不回從容進退之儀挺達  
始終之節李尋以病不起學士大夫惜之同上

李先之被謫南歸貧不自給新淦蕭建功爲築室江上  
以居之且割田以爲養朴死以女妻其子變人高其義

舊志

西昌陳一敬負義氣學為文章傳道理所居竹數萬竿  
 號竹林清隱平川大夫聞其賢辟為學博士使者奉書  
 幣就家起之西昌之大夫聞平川使者來曰吾邑之賢  
 者不能舉顧令見舉於他邑之大夫吾何名為邑即躬  
 詣其家請見狀其行義送於朝以為荔波丞

楊士奇  
東里傳

贛守李彝建綠陰亭亭側有池池上竹森森蔽日王侍

御奇題一絕句云削得幽亭近嶺梅綠陰名好稱仙才

四邊山色簷頭出一帶泉聲竹裏來

西江  
詩話

會稽姜一洪仕廣東左轄仙霞兵潰一洪奔贛州徒步

至興國椰木村相隨止二僕枵腹足盡裂仰天嘆曰天

意有在偷生何為遂赴水死諸生鍾國士哀之與樛木

菴僧了緣棺斂之越一年乃歸葬

毛西  
河集

康熙十六年冬韓大任經過劫掠沴氣流染次年春二

月大疫或舉村病無炊煙或合室死無收殮者居民時

見白旗滿山聞喊殺聲皆以為韓逆作崇知縣黃惟桂

禱於城隍之神癘稜稍止

黃  
志

激濺二水交會處中有沙洲隆然者瑞洲也土人呼中

洲壩相傳正德以前為田百十畝佛祠民瑩皆在焉有

瑞洲樓壺天閣眺覽殊勝積漸衝決萬歷中何令應彪

植檉柳數十以培之今所遺不及數畝春夏水潦盛時

浩然一碧冬涸架木爲橋以達於武塘志林

上社之山曰東龕相傳鍾越國公讀書處舊有東龕禪

寺久廢滕翰林賓唐令子儀有東龕十景詩昔摩詰輞

川諸作東坡鳳翔八觀皆隨地緣情非有所拘限也近

世凡州郡名勝登之志乘爲景非八卽十若必不可增

損者而編壞之一邱一壑且補苴牽綴以當其數抑固

矣予作東龕記止就所見幽巖邃谷書之亦不可謂非

靈異之境同上

東龕澗仄而流駛舊有虎溪橋以達於菴稍東北爲赤

岡嶺有橋曰南筓吉郡通津也正德初皆圯適尹儀部

南山劉孝廉七星偕來邑中曾命選攜與遊東龕觴咏

日夕道赤岡觀兩橋而歎曰是予之責也夫澄塘民王

脩塚家豐於財聞令言遠詣觴所自任曾喜手酌酒勞

之遂鳩工壬申之夏兩橋俱成安吉州牧永豐曾昭爲

之記同上

荷樹陂一名逕口李秘書監朴故里也秘書宋史有傳

爲伊川所重自有虔州以來第一人物有章貢集二十

卷文獻通考所錄而舊志不之及贛郡志載李謙白雲

居士集今亦無考裔孫存敬明英宗時輸穀賑饑詔旌

爲義民建勅書閣今閣址猶可辨識同上

厓石砦營房在山之麓康熙己未撫定閩孽後以遊擊  
 府駐防其地壬戌後易以把總仰賜厓石絕壁精鐵萬  
 仞崔嵬賊窟兵欄歷歷在目來從蕭公嶺迤邐至止溝  
 澗畦町當日轉餉宿兵之路從行者喜稱述之同上  
 蓮塘至扁橋中途有瀑布懸厓數仞冬夏不竭土名跌  
 水砦言其自上墜下也赤坂洲舊轄興國嘉靖壬辰與  
 永豐爭蜈蚣山址督郵為之攘臂焉議割地十餘里畀  
 之今以扁橋為界同上  
 竹壩平時晴數百頃相傳始建縣時擬卜其地衡上之輕  
 重較西涯為輕故不用同上

縣治舊有三程過化坊構木為之今不復存予於其址  
 築屏牆存漢唐郡縣累愨之體礮石鐫三程過化四字  
 內嚮外嚮鐫古平固縣四字皆裘廣文吉光書也左有  
 五嶽真形圖古碑一明洪武初年建右為浮繫之所名  
 之曰倉 國朝康熙丙戌憲臣周清原請徧廢天下倉  
 舖羈禁遂廢同上

儀門外地頗敞朗臨麗譙之陰烏柏二株大皆合抱臙  
 腫盤鬱迤右古柏一株幹如青銅數百年物也丁亥戊  
 子鵲巢其上過者作詩紀之予添植一柏於旁而更植  
 二松於左以相對待門左題名記碑嘉靖丙寅唐令希

阜立右修復譙樓記碑萬歷壬寅何君撰立左角門舉  
廢記碑正德己卯黃君泗撰立官置公田記碑萬歷乙  
卯吳嶼梅立題名記謝方伯詔修贛府志據以作興國  
官師考予閱舉廢記而為黃君補立傳焉角門左三楹  
為土地祠往例鞭春於此予採劍南句為聯曰簫鼓追  
隨春社近衣冠簡樸古風存同上  
縣廳事俗皆曰正堂清丈田糧碑一萬歷壬午易令道  
源立是年中丞王公宗載撫江右疏請嚴浮糧丈田畝  
以甦民困故奉而勒石上中下科則官民塘地荒熟多  
寡皆具東廡後題名記碑予所撰立也同上

邑中邇年屢產芝丙戌之夏二莖丁亥春一莖皆在仙  
女潭石上山僧遊士採之以歸辛卯春一莖在于田嶺  
首得自莖童皆紫色大僅如錢如兒拳蓋芽蘖未堅粟  
者已丑盛夏發於官署之桑本即方竹山房左傍舍隙  
地也桑童童數仞碧蔭侵雲芝始生如蓓蕾經歲漸長  
至庚寅大如槃盂徑二尺許下為重臺皴紋波濤色若  
蒸栗於是南豐布衣湯永誠安福孝廉顏傳為詩賦以  
張之同上

陳坊有里主廟祀陳武帝武帝嘗為廣州江州刺史頓  
兵南康南康者贛也故贛屬多祀之比諸隋煬帝祠為

近理矣坊之名陳或亦以廟故云同上

予至興訪上洛山所在士夫父老未有曾登其地者第

指西江之右龔公山之左謂上洛在焉既親造搜核岡

嶺紆互無從閱實西江邑中土名在儒林鄉縣志稱上

洛山在大足鄉道里不符木客之詩酒盡君莫沽云云

唐詩話云嘗自稱太上隱者偶來松樹下之句亦其所

作南康志又以為山都之詩酉陽雜俎山都有鳥都猪

都人都三種夔龍罔象之屬也木客避秦隱居得仙當

與毛女桃源洞人為伍而竟以魑魅例之又考吳越春

秋越有木客邨勾踐使工人伐木獻吳久不得歸工人

變思作木客吟則木客越人而非秦人木客吟亦非沽

酒詩矣好事傳訛今古類然存之以廣談助可也同上

元常士季舊稱大小鍾至可大而復號小鍾由工書得

名武后時明堂九鼎諸宮殿榜皆其所署意其聲望位

置當在歐虞褚薛間及考李嗣真書品張懷瓘書估以

逮宣和書譜皆不列惟竇泉述書賦有萃傅巖而匯穎

川之句懷瓘則有鍾尚書破產求書之說米元章晉名

家真蹟皆以鍾紹京書印為據則越公當日固以精鑒

富有為長若其揮毫落墨猶未得遽登神妙也歐公集

古錄未嘗一及之至南豐始盛推遍學寺碑元章亦稱

趙大年所購千文黃長睿又稱寶章集題小字書蓋唐人墨寶至北宋而日就彫落不得不珍其所少又士大夫之藏弄稍下於御府之秘儲故棄取異同云爾于司直金石志又列靜禪方攢碑臨池禪院二條禪院乃贛州土物也予過虔屢詢遺蹟不得其處再閱贛州府贛縣二志亦並無所謂臨池禪院者嗟乎中郎不作則願對虎賁况韓幹之馬未必不與曹霸等重哉望古遙集睠言顧之

上同

永豐曾侍郎榮微時嘗販豸豸往來興邑偶犯夜爲邏者所拘里中方浴魚池臨池爲訓蒙館館師出對句云

地旁去土加三點成池衆徒莫對榮應云囚裏出人遇

一王興國衆皆賞歎爲具禮遣之

上同

營前江氏當宏正承平時累世饒財好施予王府審理廷振建玉皇閣登真大殿三清金容兩壁萬神朝帝像又爲普惠上下觀天王閣大乘寺之圓通殿靈山寺古佛像於文廟起經閣兩廡於縣廳立思莊樓營前溪徑環窄春夏病涉者多乃買山鑿石別通之以達於其家族人鳴霄於瀧下水造大橋長三十六丈濶一丈八尺計費三千七百金米一千八百九十石繡梓道釋藏諸品真經正副一百八種印施十方鳴霄子石泉構挹秀



書院於安湖故址仰二程之遺風嘗重修大乘寺作登  
真水星閣施杉木三千五百大皆合抱值冬月水涸工  
期既定木不能下一旦迅雷巨雨溢漲推涌聚春口壩  
若有神助此營溪江氏世德堂記中摘錄語也託名於  
海剛峯所作嘉靖四十三年刻藏於家其偽撰不足辯  
而事蹟未必盡誣今邑中之能識舊事者鮮矣錄之猶  
有袁廣漢卓王孫之恩焉

同

太平鄉崇賢里有山民戶國初兵燹土曠人稀流遺  
爭集閩廣之僑戶自爲黨類勢遂張來自郴連間者相  
率擯而狐之號爲山野子其人多雷藍畢三姓占耕其  
土自爲婚媾不敢出里巷既久力農蓄積屬籍輸賦邑  
人之狡者籠其田於已籍中而蝕其盈羨遇有逋糧輒  
歸之山民官欲爲清釐不可得也甲寅寇孽旣平某巡  
簡指爲餘盜負固欲請兵禽獮之乃號哭泥首丐死而  
畏匿益甚鄰郡皆哂興邑山民爲異類與猺獠瓯黎比  
黃君惟桂始誘化之俾自立戶黃去則仍匿迹詭寄籠  
田之徒愈恐喝使不敢出又二十餘年予因編冊審丁  
廣爲勸諭按戶覈其詭寄重懲之三閱月始就釐正削  
去山民之名與土著一體有名之丁悉造庭聽唱魚貫  
林踴蓋邇年來其人固益馴習曉暢就其初特爲奸民

所愚豈真狃狃野鹿哉予之術非有加於黃君不過踵而行之但黃君著治興異蹟作山民圖圓日缺舌出入必挾刃婦稚皆能搏生與予所見大有逕庭焉同

邨民曾起周等五人以閩來客戶趙如瞻父子蓄蠱致毒具控視其人疋羸躑躅語塞氣奄依方法以礬生豆桐子試啗之安然無嘔噦續控者又三人五人者助如瞻昇榨油具如瞻具膳饗之食下咽若螫隨腹痛歸而病三人則偶過如瞻之門飲其茶與煙或食桃喉腹痛相同如瞻之傭曰吳老六先嘗貸予錢於起周病往靳之曰若能癒我疾乎我死負不償矣吳遽曰同傭有楊

老六如瞻自汀攜來可得其藥乃釀錢賂楊楊竊藥與之下蟲數枚長半寸餘白色口如針而青病稍間乃相率俾父兄子躬昇負奔控謹傳達於鄰境自旅店酒肆煙館茶亭行者忍饑渴不敢飲食而黠民之挾仇者因以誣其所憎蠱牒紛然二傭先遁嚴緝獲吳於雩都境中鞠之言蠱有三曰瓜蠱蛇也瓜蠱下物爲瓜形大如棗栗蛇蠱爲蛇形與虺蟲鬚蟲蠱小於蛇而數多八人所中乃蠱蠱也藥用剪刀交草雞脊柴烏相根雞脊柴者畝澮間積潦所生巔地多有惟剪刀交草造蠱之人攜種自隨如瞻常植於家事發破速卽焚刈不可見

矣邑民有陳錫卿者少嘗中蠱於汀遇異僧得活受其方轉治人多效使治此八人復下蟲倍於前調養經月乃霍然其方則白頭翁獨脚蓮透骨硝以酒和雞煮而啗之復搗巴豆末半酒蒸半生丸如梧子服藥後腹絞痛暈絕復蘇則以丸與之蟲皆自斃而出如瞻父子當庭鞠時萬衆聚而唾其面怡然自若吳備更起而質之三木關其脛終不承乃達上僚由府及臬以律重礙人告適如瞻病殞遂歸獄焉以不知情貲其二子驅之歸籍按蓄蠱之害見於衆家雜說不一而足律文列之於上惡不道皆以爲嶺表異俗使然而不知嶺北風氣漸

染若此前令何震嘗治斯獄時蓄蠱者丁姓非刑榜掠不承爲僞供以達府府反其獄邑人至今恨之予終以窮於讞決抱愧吾民錄此以傳治蠱之方與記載傳聞迥異俾遠適殊域者遠害自全可也

同上

贛壤鄰接閩廣語言文字多與相類筆畫之異華爲華鄰爲隣茲爲茲臨文刻本皆然也全字皆訛者鑽爲閤誘爲嚙誑爲陰帳爲賬賠爲賤賤字說文同朋比之比而以爲賠累之賠斂字正字通曰用力舉物此間以爲壓制之義介音軒亦軒舉之義此以爲坑谷之坑不本音臬芽枿也此以爲墩鎖之墩又稱水道曰圳字書所

無稱水石相際為深見之象山集中則土語而文人既  
 用之矣有義同而移其音者恆為常汝為爾也有義同  
 而殊其用者喚為喊走為行也有混而不分者飲酒為  
 食酒也有倒用為義者辭客曰請住非延之而款於室  
 乃却之使不入於門也自餘儒為而仁為羸輝為非胡  
 為巫馮為洪荒為方昏為分入為亦音韻之訛不可枚  
 舉官司牒狀江浙曰勢宦曰劣衿此則曰閤宦曰喇員  
 民俗交關江浙曰議曰帖此皆曰字獄訟息和曰調停  
 此曰做中情事關說曰居間此曰來去人房屋間架吳  
 下曰幾進燕京曰幾層此曰幾棟僦屋之稱吳曰租燕

曰賃此曰稅米穀用斛用斗此間用桶用羅算田以畝  
 為則天下通行此乃以租糧為則糶糴以米穀為則此  
 乃以銀為則方言土俗隨遇不同姑就所見於興國一  
 邑者疏之亦可概嶺北之大凡云同上  
 書圍高不過八尺庫者七尺縱廣如之正方如度笥四  
 匡皆木而編以竹前為疏櫺糊以白紙明淨宜人中置  
 小榻坐卧皆在焉其半容一几挾兔園冊子日夕咕嗶  
 其中凡古廟荒刹公廨隙宇同學及授徒者相聚而據  
 之排比如櫛邑中之勤學者盛暑皆能夜坐哦聲遠傳  
 聽者忘疲與古人青燈竹屋紙帳梅花風味頗類而彼

輿圖志 卷四十六  
較華腕矣予嘗語諸生圍與帷同音董子之所下者非  
歟曰非也俗多土圍故襲其名耳曰若土圍厯容一人  
則袁宏之室古亦有之矣而未覩二三子之雞棲於枳  
虎弭於柙也皆大噓同上

輿國俗儉陋民間昏暮或不用燈燭斧松栝燃之明如  
列炬名曰松光予嘗行邨落夜歸亦用以引路陸深燕  
閔錄云深山老松心有油如蠟山西人多以代燭謂之  
松明不畏風戴石屏詩松明夜當燈同上

自東邨緣溪行數里山高路隘攀援而進其險峻處怪  
石嵒岬不成步武又有深壑危橋過者無不戰慄如是  
者三四里有巨石特立如華表高二丈圍可數尺大樹  
倚之頗堪愛玩又前一二里白石臨流方正可坐數人  
天然釣臺也嚴陵遺蹟在富春山上離水百尋無投綸  
之理此地乃爲名稱其實損持於石壁上鐫釣臺一大  
字千百載後當以張公得名但損持方爲循吏與高蹈  
不侔耳陳術亭南  
遊日記

北門外由大街直上爲大井頭臨井有太子廟里人每  
歲值端節迎神據井不汲夜則燃燈數百晃照通衢孔志  
齊分會姓族繁其故老言宋時有會攀龍者嘗從事文  
信國因戰被創家居寇相戒不入其境所全甚多同上

大足鄉鍾于千幼失怙遇母病藥不效或言斑鳩可療時居嚴寒徧覓弗獲于千號泣於天適有一鳩飛集庭前取以噉母病遂愈聞者異之同上

康熙五十二年癸巳九月衣錦鄉頑佃李鼎三煽惑閩廣流寓佃田骨田皮許退不許批之說統衆數千赴縣門挾長官要求勒石著爲例羣奸一時得志窺爲會館遠近傳聞每居有秋先倡議八收七收有差田主有執原額計租者卽號召多人碎人屋宇并所收租攫入會館罹其害者案山積雍正四年曾孝廉霖因佃林其昌踞耕告於官其昌乘其赴試率黨黃用章等爲伏俟其

過毆辱之極嘗經控前撫憲遣批飭嚴究焚拆會館追毀傳聞懲犯遞籍餘黨悉斂有田之家稍得安堵霖出鍾生肖侃門下鍾爲予言之猶色變今數十年來德威斯揚詔上下辨而民志定頑梗無自逞矣同上

乾隆壬戌邑大水見一獸頭角嶄然每搖首噴鼻則水長數尺羣譁曰此水牛精也識者知爲蛟云同上

癸亥夏四月邑大饑訛傳有神女降指某處土可療饑一時愚民負筐擔囊挖取食之邑人有詩記之曰可憐爭取充枵腹老幼相隨荷篠歸然食之終不宜人同上乾隆庚午重修邑志土寇宋朝宗之裔孫啟龍呈稱伊

祖宋震山嘗充當鄉勇受過都司守備職銜請載志永  
邑人謝大騞聞之奮然曰宋朝宗之爲叛逆戕害官民  
前志確鑿可據其子震山雖就招撫仍受吳耿二逆僞  
劄與崖石諸寇相通流毒鄉里豈應蒙混入志遂陳狀  
力辨邑侯孔公嘉其持論侃侃竟從其議宣示志局明  
經呂世璜嘗作序以美之

肅應  
紀聞

張損持太史以翰林出宰興國邑之名山勝境題咏殆  
遍間作楹帖以誌雅懷如江東廟云古檜有風天自籟  
石壇多露鶴爭啤

探蘇渝  
浪句

治平觀云丹爐芒屨存疑信

聖覽寒泉自古今城隍廟云明有人幽有鬼青螭赤豹

而臨吾土莫非忠信之長慈惠之師迪則吉逆則凶黃  
蕉丹荔以答神庥庶無水旱之災妖孽之疾明倫堂云  
啟堂構於百年榛穢之餘細栢大棠願嗣先民矩矱振  
禮樂於奕葉銷沉之日東巒西鼓式提後學盲聾又云  
釋奠釋菜列俎豆而求南面之肇禋則昔年純正遊焉  
誰謂此邦無國故傳指傳薪溯源流而衍西江之遺派  
雖今日歐會往矣依然薄海誦家言又曰教亦多術矣  
請蔽以一言惟曰精於勤荒於嬉文不在茲乎緬懷夫  
萬古何啻習其人得其志尊經閣云誦九經而稔衆說  
之蕪尊聞者其叩鐘以待瞻數仞而識百家之卑景行

者須拾級以登譙樓云遠極千里之目俾窮民隱無弗  
陳高置百尺之身知老子興仍不淺又集唐人盧綸武  
元衡句云川原繚繞浮雲外城闕參差茂樹中縣廳事  
云欲壽欲富欲安欲逸務俾各得其所熙熙若躋春臺  
言義言孝言敬言愉何由不肅而成蕩蕩咸遵王路又  
云應山貧海罄之徵求祿位升沉都已置之度外止是  
居官一日須殫心一日處嶂密箐深之風會文章教化  
豈得盡如意中但看善俗幾條卽力學幾條寅賓館云  
何人更結王生轍過客難忘謝朓樓集許渾李白句牧愛堂云  
同永叔夷陵之謫文章政事兩難誇稟晦翁鹿洞之規

誠正修齊皆可學皆山筆記

前令黃之麟題縣廳事云朝廷許多供賦從百姓中來  
尤宜存恤一二天下極難事體至縣官而止直須忍耐  
萬千前令黃木菴題譙樓云登躋望山河百里烽煙乃  
一旦雲收霧霽憑臨看蔀屋十年蹂躪幸今朝戶誦家  
絃皆爲張損持太史所賞取載之澗水志林太史又取  
韓致堯句題海公祠云狂思海上醫龍病危欲山頭捋  
虎鬚余遊興國拜海公祠尚親見之蓋太史手書也是  
日又過西山許真人廟廟係近年創建楹聯殊少佳者  
余得句云循吏作神仙澤流民物真人本忠孝道在子



臣以語同遊黃君映文黃君遂鐫之於木今懸廟中上同  
京師贛寧會館舊名贛郡會館相傳國初時爲他人  
所踞王眉長宗伯極力清理始得復還舊觀故館中立  
宗伯神主以酬其功顧余疑宗伯係康熙二十一年進  
士郡人官京師者固自宗伯始然考順治十一年以後  
郡中科目頗不乏人會館係公車稅駕之所豈前此竟  
無一人議及耶逮余過興國得宗伯裔孫所藏當時合  
約一紙乃知順治十二年郡人會鳩貲三百金向贖尚  
少五百金康熙二十二年宗伯官翰林捐銀三百兩再  
贖仍少二百金會館譜敘作於康熙三十六年泛言贖

費收贖據此紙則宗伯捐銀三百兩外郡人前後曾兩  
次贖金也上同

越國公洗硯池或謂卽今府學泮池興邑士子屢欲濬  
治以存越國公遺蹟旣而考蕭相經街菴記知洗硯池  
在大佛寺卽古景福寺故道光二年九邑士子議新郡  
學邑人江瀾建東廡黃上軒黃敬熙鍾登士建西廡黃  
上軒又建府學魁星閣無議及濬泮池者知其非越國  
公故蹟云上同

謝征蠻所冠鐵兜鍪舊傳在其鄉中或指石臼之形似  
者當之張損持太史斥爲妄說余意故老必有親見鐵

兜鍪者因以石白擬其形狀耳今土人謂石白有二一砌深塘塹中一半沒於路口土中不敢動動則崇人此則捫燭扣槃之見矣同上

三寮羅經石相對有山巉巖高數十仞山麓有洞好事者持炬往遊約可三里許怪石林立其稍平者如床几鼎彝之屬其最突兀者作奇獸攫人狀令人毛髮森豎洞之底有泉淙淙作響蓋梅水丁有美所記如此張損持太史道里考所謂羅經山配以吸石洞者卽指此處惜未表而出之使與萬礫龍泓並有千古同上

寶城鄉三陽礫有石高五尺許斑剝陸離酷肖蟾蜍蟾

蝮俗名蛟蛤因謂之蛟蛤石暑月坐石下絕無一蚊距石數十武則羣飛轟轟矣可見石燕能飛石蟬能行實本造化自然假令以人工鑿成必不能致此奇異同上

竹管洞石印坊溪流湍急不可築陂陂成則雨立至土人於大旱之年壘石壘土以試之果大雷因特爲旱歲禱雨之法名其地曰龍陂同上

康熙二十年崖寇初平草茂人稀邑多患唐縣令黃木菴爲文祭之虎渡河去諸生黃邦任作詩紀事邦任字愚菴灘上人余晤其裔孫敬熙敬熙時年八十爲余述邦任生平事甚詳因得讀其所作紀事詩或疑祭虎渡

河近於終飾抑過矣

同上

嘉慶十年乙丑平川獲鯉魚大數丁勛導二年壬午  
又獲之大如前前所獲邑人指為蕭炯齋太史成進士  
入詞垣之兆後沂獲邑人指為謝君福壽君今月日  
成進士之兆謝今官戶部主事劉官侍衛

余先世本江西金谿人元末文安公七世孫自金谿徙  
浙遂為浙人道光三年余謁選得江西興國喜江西為  
理學名區此行實慰夙願九月抵任適署令蔣君所修  
邑志將次成書太史蕭炯齋先生以稿本見示謬欲就  
余商榷余於茲事何能為役因檢稿本知是邦為三程  
過化之處李君行先之父子講學伊洛與純公正公相  
友善實為此邦國故而太史博考載籍網羅舊聞特為  
二李立理學傳視舊志加詳焉余讀至終篇因謂太史  
曰金谿以先文安公傳崇仁以吳文正公傳餘干以胡

「新年，我們歡迎

陳松茂作

我們一定要注意縮短每一秒鐘的  
 差錯消滅為「零」。  
 發展，1958年領導上已向我們提出  
 以前進局的同志要作到平均每一百  
 。1954年以後進局的同志要作到平  
 理完一個電話。同時要求作到二十  
 ；一個小時內接通用戶電話。我們  
 ；並爭取把處理電話的時間壓縮百

### 黨的号召

建設積極分子、會昌縣州場鄉筠州  
 我們全社的社員為了響應省委關於  
 則，爭取四年完成」的号召，經過充分  
 在去年總產量七萬八千五百斤的基  
 二十，即增產一萬五千七百斤糧食。  
 進行各項準備工作：積蓄足夠的肥  
 耕減出。已經積到各種肥料四千多  
 年突擊積肥運動，再積肥一萬担，  
 樣，便可保證今年每畝田下七十一  
 肥，比去年多下三十担。同時，計  
 修好一條水圳，九口水塘。在去年  
 收穫，全社一百九十畝田，已翻轉  
 有百分之七十；現在我們除要全部  
 翻轉之外，並準備春初再翻一次。過  
 我們曾作過試驗，這樣的田比春耕  
 多做一犁一耙的作用大得多。如果  
 下同樣多的肥料，今年的產量一定會  
 多。  
 其次，我們計劃在今年對全社一百  
 十一畝九分水稻田，全部實行鹽水  
 種，適當密植。去年我們的生產技  
 研究小組，用雜交方法培育出一種  
 的水稻品種，計劃今年在一部分田  
 試作。它比一般品種每穗要多二十  
 到三十粒穀子；同樣的田，下同樣  
 肥料，只改良品種一項，每畝可多  
 百分之十的糧食。

為「千斤畝社」

全體社員：我們全社決定在



傳吉水泰和南城皆以羅傳雲都何黃袁管並傳興國  
 宜以二李傳而知者或寡得無紀載疎畧所謂莫為之  
 後雖盛弗傳歟是志出數江右名區者必及興國興國  
 後學當更有聞風而起者矣夫志乘首重人物人物首  
 重理學表章前人非所以激厲後人乎余與太史同切  
 嚮往之志太史不以余言為非屬余書之遂書之如此  
 若夫是書告成閱兩年之久自前令夏君奉檄倡修蔣  
 君繼之余復繼之一切經費不煩措畫則邑之鍾華亭  
 堂黃軒舉堂歐陽國榮堂江淮海堂皆以父祖遺賫送  
 志局為公費黃君敬熙鍾君鳴隍王君聲亮鍾君登士

